

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第一一冊

責任編輯：孫言誠 賀 偉

ISBN 7-5333-0535-3



2380/11

四庫全書存目叢書·史部一一

(大陸版：限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 54.25 印張

1996 年 8 月第 1 版 1996 年 8 月第 1 次印刷

印數 1—100

ISBN 7—5333—0535—3

Z·37 史部定價：87600 圓

史部第一一冊目次

史部・編年類

宋元通鑑一百五十七卷(三)

〔明〕薛應旂撰
山東省圖書館北京大學圖書館藏明嘉靖四十五年自刻本

..... 一

甲子會紀五卷

〔明〕薛應旂撰
天津圖書館藏明嘉靖三十七年玄津草堂刻本

..... 二四一

憲章錄四十六卷

〔明〕薛應旂撰
陝西省圖書館藏明萬曆二年陸光宅刻本

..... 三七五

宋元通鑑一百五十七卷

(三)

〔明〕薛應旂撰

山東省圖書館北京大學圖書館藏明

嘉靖四十五年自刻本

附《四庫全書總目·宋元資治

通鑑一百五十七卷》提要

宋元通鑑卷第一百二十三

武進薛應旂編集

宋紀一百二十三

起庚午至壬申九十二年

度宗三

咸淳六年

蒙古至元七年

春正月壬寅以李庭芝為京湖制

置大使督師援襄樊時夏貴范文虎相繼大敗及聞

庭芝至文虎貽書賈似道曰吾將兵數萬入襄陽一

戰可平但願無使聽命于京闕事成則功歸恩相矣

似道即命文虎之兵從中制之庭芝屢約進兵文虎

但與妓妾嬖倖擊鞠飲宴為樂以取旨未至為辭

宋元通鑑卷百二十三

夏文粹

庚戌起復孫虎臣為淮東安撫副使辛酉班成天

曆丙寅以陳宗禮僉書樞密院事趙順孫同僉書

院事時宮中飲宴名曰排當理宗朝排當之禮多內

侍自為之一有排當則必有私事密啓帝即位益盛

至出內帑為之宗禮為給事中嘗上疏言內侍用心

非借排當以侵羨餘則假秩筵以奉殷勤不知費幾

州汗血之勞而供一夕笙歌之樂請禁絕之不報

丁卯帝製字民牧民二訓以戒百官戊辰江萬里

罷萬里以襄樊為憂屢請益師往救賈似道不答萬

里遂力求去出知福州蒙古主命許衡與太常卿

徐世隆定朝儀詔衡與劉秉忠張文謙定官制又詔尚文與諸儒採唐開元禮及近代禮儀之可行于今者斟酌損益凡文武儀仗服色差等皆文掌之 蒙古廉希憲罷希憲立朝讜正有內侍入朝堂傳旨言某事當爾希憲曰此闕宦預政之漸不可啓也入奏杖之蒙古主嘗令希憲受帝師戒希憲對曰臣已受孔子戒矣蒙古主曰汝孔子亦有戒邪對曰爲臣當忠爲子當孝孔子之戒如是而已時有詔釋大都囚西域人匿贊馬丁爲怨家所訴繫獄亦被原免蒙古主自開平還怨家復訴之時希憲在告實不預其事

宋元通鑑卷百三

二

大

乃取堂判補署之曰天威不測豈可幸其獨不署以苟免邪遂與左丞相耶律鑄俱罷蒙古主嘗問侍臣希憲居家何爲阿合馬曰日與妻孥宴樂耳帝曰希憲清貧何從宴設阿合馬愧而退 蒙古立尚書省以阿合馬平章政事阿合馬爲人多智巧言以功利自效蒙古主急爲富國試以行事時有成績又見與史天澤爭辨屢有以詘之由是奇其材授以政柄言無不從而不知其專復益甚矣既立尚書省以爲平章政事詔凡銓選吏部定擬資品呈尚書尚書咨中書然後聞阿合馬擢用私人不由部擬不咨中書安

童以爲言蒙古主令問阿合馬阿合馬言事無大小皆委之臣所用之人臣宜自擇安童因請自今惟重刑及遷上路總管始屬之臣餘並付阿合馬蒙古主從之阿合馬遂請重定條畫下諸路括戶口增太原鹽課以千錠爲常額 二月蒙古以歲饑罷脩築宮城役夫 三月庚子朔日食癸丑詔曰吏以廉稱自古有之今絕不聞豈不自章顯而壅於上聞歟其令侍從卿監郎官各舉廉吏將顯擢焉 蒙古以許衡爲中書左丞時阿合馬勢傾中外一時大臣多阿附之衡每與之議必正言不少讓已而其子忽辛有同

宋元通鑑卷百三

三

堅

僉樞密院之命衡獨執奏曰國家事權兵民財三者而已今其父與民與財子又典兵不可蒙古主曰卿慮其反邪衡對曰彼雖不反此反道也帝以語阿合馬由是怨衡亟薦衡爲左丞欲因以事中之衡屢入辭免蒙古主不許 蒙古崔斌守東平聘申屠致遠爲學官致遠壽張人初與李謙孟祺等齊名蒙古主南征駐兵小濮乞寔力台薦爲經畧司知事軍中機務多所謀畫師至隨州所俘男女致遠悉縱遣之至是斌轉爲學官 夏四月戊寅以文天祥兼崇政殿說書直學士院尋罷時賈似道以去要若帝勉留益堅

命學士降詔天祥當制時內制相承必先呈稿於相
天祥不從似道意不滿諷別院改作天祥援楊大年
故事亟求解職遷秘書監似道使臺官張志立劾罷
之 五月辛丑以吳革爲沿江制置宣撫使 六月
庚午詔太極圖說西銘易傳序春秋傳序天下士子
宜肄其文 秋七月復開州吏鑄印給之 八月癸
巳賈似道屢稱疾求去帝至滄泣留之不從詔六日
一朝一月兩赴經筵尋又詔入朝不拜朝退帝必起
避席目送之出殿廷始坐繼復詔十日一朝時蒙古
攻圍襄樊甚急似道日坐葛嶺起樓閣亭榭作半閒
堂延羽流塑己像其中取宮人葉氏及娼尼有美色
者爲妾日肆淫樂與故博徒縱博人無敢窺其第者
有妾兄來立府門若將入狀似道見之縛投火中嘗
與羣妾踞地鬪蟋蟀所狎客戲之曰此軍國重事邪
臨嗜實玩建多寶閣一日一登玩聞余玠有玉帶求
之已徇羣矣發其塚取之人有物求不與輒得罪自
是或累月不朝雖朝享景靈宮亦不從駕有言邊事
者輒加貶斥一日帝問曰襄陽之圍已三年矣奈何
似道對曰北兵已退陛下何從得此言帝曰適有女
媼之似道詰其人誣以他事賜死由是邊事雖日

宋元通鑑卷百三十三

四

堅

急無敢言者 九月庚戌以黃萬石爲沿海制置使
壬子台州大水 冬十月丁丑詔范文虎總中外
諸軍救襄樊 閏月己酉安吉州水免公田租四萬
四千八十石 十一月嘉興華亭兩縣水免公田租
五萬一千石 乙未陳宗禮罷尋卒宗禮字立之家
貧力學舉淳祐四年進士歷官僉書樞密院事以賢
達見稱所著有經史管見人物論 十二月己亥堂
古張弘範言于史天澤曰今規取襄陽周于圍而紛
于攻者計待其自斃也然夏貴乘江漲送衣糧入城
我無禦之者而江陵歸峽行旅休卒道出襄陽南者
相繼也寧有自斃之時乎若築萬山以斷其西立柵
灌子灘以絕其東則庶幾斃之道也天澤從之遂
城萬山徙弘範軍于鹿門自是襄樊道絕而糧援不
繼
七年 蒙古至元八年十一月 春正月乙丑詔戒貪吏 二
月淮浙江西皆饑命官賑貸知撫州黃震大書閉糶
者籍強糶者斬不抑米價勸分有方全活甚衆 蒙
古復立王植爲高麗王趙壁至東京時林衍已死乃
言于蒙古主以兵衛植復國誅衍之子惟茂及其親
屬未幾衍黨裴仲孫等復集餘衆立植庶族承化侯

宋元通鑑卷百三十三

五

堅

爲王竄入珍島踰年蒙古遣忻都討平之 三月發
官倉穀米賑和州無爲鎮巢安慶建德平江吉州諸
處 夏四月甲寅禮部侍郎陳宜中乞補外以顯文
閣待制出爲福建安撫使 五月蒙古詔東道兵圍
襄陽各道宜進兵以牽制之於是秦蜀行省平章政
事賽典赤瞻思丁率諸將水陸並進鄭鼎出嘉定汪
良臣出重慶北刺不花出瀘州所至順流縱筏斷浮
橋獲將卒戰艦甚衆 六月范文虎將衛卒及兩淮
舟師十萬進至鹿門時漢水溢阿朮夾江東西爲陣
別令一軍趨會丹灘犯其前鋒諸將順流鼓譟文虎
軍逆戰不利棄旗鼓鎧仗乘夜遁去蒙古俘其軍獲
戰船甲仗不可勝計 己亥詔以陸九淵孫潯補上
州文學 蒙古許衡上疏論阿合馬專權罔上蠹政
害民諸事不報因謝病請解機務蒙古主不許且命
學自代者衡奏曰用人天子之大柄也臣下汎論其
賢否則可若授之以位則當斷自宸衷不可使臣下
有市恩之漸乃拜衡集賢大學士兼國子祭酒即燕
京南城舊樞密院設學衡聞命喜曰此吾事也因請
徵其弟子王梓耶律有尚姚燧等十二人爲齋長時
所選弟子皆幼穉衡待之如成人愛之如子出入進

退其嚴如君臣其爲教因覺以明善因善以開蔽相
其動息以爲張弛課誦少暇即習禮或習書等少者
則令習拜跪揖讓進退應對或射或投壺負者罰讀
書若干遍久之諸生人人自得尊師敬業下至童子
亦知三綱五常爲生人之道 秋七月丁丑湖南轉
運司訪求賢材後人義倫以聞詔補將仕郎 壬午
四川制置使朱禔孫言夏五以來江水凡三汎溢自
嘉而渝漂蕩城壁樓櫓圯壞又嘉定地震者再被災
害爲甚乞賜黜罷上答天譴詔不允 八月壬辰朔
日食 九月己丑子暴生 蒙古主以四川民力困
敝詔免茶鹽等課以軍民田租給軍食仍敕有司有
言茶鹽之利者以違制論 冬十月癸丑從政郎朱
鑒孫進羣經要畧 十一月蒙古從太保劉秉忠請
改國號曰大元詔曰誕膺景命奄四海以宅尊必有
美名紹百王而紀統肇從隆古匪獨我家且唐之爲
言蕩也堯以之而著稱虞之爲言樂也舜因之而作
號馴至禹興而湯造互名夏大以殷中世降以還事
殊非古雖秦時而有國不以義而制稱爲秦爲漢者
著從初起之地名曰隋曰唐者因即所封之爵邑是
皆循百姓見聞之徂習要一時經制之權宜槩以至

公不無少貶我太祖聖武皇帝握乾符而起朔土以神武而膺帝圖四震天聲大恢土宇與圖之廣歷古所無頃者耆宿詣庭奏章申請謂既成於大業宜早定於鴻名在古制以當然於朕心乎何有可建國號曰大元蓋取易經乾元之義茲大治流形千庶品孰名資始之功予一人底寧千萬邦尤切體仁之要事從因革道協天人於戲稱義而名固匪爲之溢美乎休惟求尚不負於投艱嘉與敷天共隆大號 十二月辛亥賈似道欲制東南士心乃令御史陳伯大請置士籍開具鄉里姓名年甲三代妻室令鄉鄰結勘

宋元通鑑卷百三

八

於科舉條制無礙方許納卷又嚴後省覆試法比較中省元卷字蹤稍異者黜之覆試之日露索懷挾有李鈞孫者少時戲雕股間索者視之駭曰此文身者事聞彼黜時邊事危急束手無策而以科舉累士人其悖謬至此先是陳仲微爲江西提點刑獄忤賈似道罷去至是起知惠州遷太府寺丞輪對言祿餌可以釣天下之中才而不可以啖嘗天下之豪傑名航可以載天下之猥士而不可以陸沉天下之英雄似道怒又諷言者論罷其官久之叙復

八年元至元春正月庚申詔曰朕惟崇儉必自宮禁

始自今宮禁敢以珠翠銷金爲首飾服用必罰無貸臣庶之家咸宜體悉工匠犯者如景祐制必從重典又詔有虞之世三載考績三考黜陟幽明漢之爲吏者長子孫則其遺意也比年吏習媮薄人懷一切計日待遷事未克究又望而之他吏胥狎玩竊弄官政吾民奚賴焉繼自今內之郎曹外之牧守以上更不數易其有治狀昭著自宜獎異 辛亥子昂生 元罷尚書省阿合馬仍平章中書省事 二月癸巳謝方叔卒贈少師方叔字德方威州人嘉定十六年進士歷官左丞相相業無過人者晚困於權臣至以玩

宋元通鑑卷百三

九

好丹劑壽其君鄙孰甚焉 前知台州趙子寅歿無所歸特贈直秘閣給沒官宅一區田三百畝養其孤遺以旌廉吏 元改中都爲大都 三月元賑濟南路饑 夏四月元賑大都路饑 五月己巳李庭芝將兵救襄陽時襄陽被圍五年援兵不至呂文煥竭力拒之幸城中稍有積粟所乏者鹽薪布帛爾張漢英守樊城募善泅者真蠟書於髻藏積草下浮水而出謂鹿門旣築勢須自荆郢救援至隘口元守卒見積草多鈎致欲爲焚燹之用泅者遂被獲於是郢鄧之路亦絕至是詔李庭芝移屯郢州將帥悉駐新郢

及均州河口以守要津庭芝聞知襄陽西北一水曰清泥河源於均房即其地造輕舟百艘以三舟聯爲一舫中一舟裝載左右舟則虛其底而掩覆之出重賞募死士得襄郢山西民兵之驍悍善戰者三千人求將得民兵部轄張順張貴俱智勇素爲諸將所服俾爲都統號貴曰矮張順曰竹園張出令曰此行有死而已汝輩或非本心宜亟去毋敗吾事人人感奮漢水方生乘順流發舟百艘稍進團山下又進高頭港口結方陣各船置火鎗火炮熾炭巨斧勁弩夜漏下三刻起碇出江以紅燈爲號貴先登順殿之乘風

宋元通鑑卷百三

十一

破浪徑犯重圍至磨洪灘以上元兵布舟蔽江無隙可入順等乘銳斷鐵絙攢棧數百轉戰百二十里元兵皆披靡以避其鋒黎明抵襄陽城下城中久絕援聞順等至踊躍過望勇氣百倍及收軍獨失順越數日有浮屍遡流而上被甲冑執弓矢直抵浮梁視之則順也身中創六箭怒氣勃勃如生諸軍驚以爲神結塚歛葬之貴入襄陽文煥同留共守貴恃其驍勇欲還郢乃募二士能伏水中數日不食持蠟書赴范文虎于郢求援元兵增守益密水路連鎖數十里列撒星椿雖魚鰕不得度二人遇椿即鋸斷之竟達郢

還報許發兵五千駐龍尾洲以助夾擊刻日既定乃別文煥東下點視所部軍泊登舟帳前一亡去乃有過被捷者貴驚曰吾事泄矣亟行彼或未及知復不能銜枚隱迹乃舉砲鼓譟發舟乘夜順流斷絙破圍冒進元兵皆辟易既出險地夜半天黑至小新河阿木劉整分艤戰艦邀擊以死拒戰沿岸束荻列炬火光燭天如白晝至勾林灘漸近龍尾洲遙望軍船旗幟紛披貴兵以爲郢兵來會喜躍而進舉流星火示之軍船見火即前迎及勢近欲合則來舟皆元軍也蓋郢兵前二日以風水驚疑退屯三十里而元兵

宋元通鑑卷百三

十二

得逃卒之報先據龍尾洲以逸待勞貴與戰而困且出於不意所部殺傷殆盡貴身被數十創力不能支遂被執見阿木于櫓門關阿木欲降之貴誓不屈乃見殺元令降卒四人昇貴屍至襄陽城下曰識矮張都統乎此是也守陴皆哭城中喪氣文煥斬四卒以貴附葬順塚立雙廟祀之元敕脩築都城凡費悉從官給毋取諸民六月丙申徙皮龍榮于衡州龍榮舊宮僚也知賈似道忌之家居杜門不預人事一日帝偶問龍榮安在似道恐其召用陰諷湖南提刑李雷應誣劾以事徙衡州居住龍榮恐不爲雷應所

谷未至飲藥卒龍榮字起霖一字季遠潭州醴陵人少有志畧精于春秋舉淳祐四年進士歷官參知政事性伉直故不爲似道所容有文集三十卷行于世丁酉以章鑑同僉書樞密院事提舉經武要畧以錢千萬命京湖制司羅米百萬石轉輸襄陽府積貯乙巳以家鉉翁兼權知紹興府浙東安撫司事

辛亥臺臣言江西推排田結局已久舊設都官團長等虛名尚在占恡常役爲害無窮又言廣東運司銀場病民詔俱罷之 秋七月元詔自今凡詔令以蒙古字行 八月丙戌朔日食 辛丑詔家鉉翁赴闕

宋元通鑑卷五十三

三

九月辛未有事于明堂以賈似道爲大禮使禮成幸景靈宮將還遇大雨似道期帝雨止升輅胡貴嬪之兄顯祖爲帶御器械請如開禧故事却輅乘道遙歸還宮帝曰平章得無不可顯祖紿曰平章已允帝遂歸似道大怒曰臣爲大禮使陛下舉動不得預聞乞罷政即日出嘉會門帝固留之不得乃罷顯祖涕泣出貴嬪爲尼似道始還似道專恣日甚畏人議已務以權術駕馭上下以官爵牢籠一時名士以故言路斷絕威福肆行相視以目 戊寅太陰犯御女冬十月癸卯元初立會同館 十一月乙卯馬廷鸞

死於賈似道力辭相位乃授觀文殿大學士知饒州入辭帝惻怛久之曰丞相勉爲朕留廷鸞對曰臣死亡無日恐不得再見君父然國事方殷疆圉孔棘天下安危人主不知國家利害羣臣不知軍前勝負列闕不知陛下與元老大臣惟懷永圖臣死且瞑目泣拜而出 時朝廷患劉整爲元用荆湖制置李庭芝請以整爲虜龍軍節度使封燕郡王上從之遣永寧僧齋普身金印牙符及庭芝書期致之僧旣入元事覺元主致書易姚橰羅間整自軍中入見元主曰此宋忠臣用兵襄陽欲以此殺臣耳臣寔不知賞整使還軍中誅永寧僧及其黨友且令整移書來責執政十二月甲寅召葉夢鼎入相詔加少傅夢鼎引疾力辭使者相繼促行扶病至嵯縣疏奏願上厲精寡欲規當國者收人心固邦本扁舟徑還使者以禍福告夢鼎曰廉耻事大死生事小萬無可回之理賈似道大怒乃令致事 是月遣將符萬壽攻成都元僉省嚴忠範出戰失利同知王世英等八人棄城遁元以罪在主將縛忠範至都治之罷其官

宋元通鑑卷第一百二十三

小元通鑑卷第一百二十四

武進薛應旂編集

宋紀一百二十四

起癸酉至甲戌九二年

度宗四

咸淳九年

元至元十年

春正月乙丑樊城陷樊被圍四年

范天順牛富力戰不為軻富又數射書襄陽城中期呂文煥相與固守為唇齒未幾阿里海牙得西城人所獻新礮法乃進攻樊破外郭張弘範為流矢中其肘束創見阿木曰襄在江南樊在江北我陸攻樊則襄出舟師來救終不可取若截江道斷救兵水陸夾

宋元通鑑卷一百二十四

何成德

攻則樊破而襄亦下矣阿木從之初襄樊西城漢水出其間文煥植一木江中鑠以鐵絙上造浮橋以通援兵樊亦恃此為固至是阿木以機鋸斷木以斧斷絙燔其橋襄兵不能援乃以兵截江而出銳師薄樊城城遂破天順仰天歎曰生為宋臣死為宋鬼即所守地縊死富率死士百人巷戰元兵死傷者不可計渴飲血水轉戰而進遇民居燒絕街道富身被重傷以頭觸柱赴火死裨將王福見富死歎曰將軍死國事吾豈宜獨生亦赴火死天順荆湖都統富霍丘人二月庚戌呂文煥以襄陽叛降元襄陽久困援絕

撤屋為薪緝關會為衣文煥每一巡城南望慟哭而後下告急于朝賈似道累上書請行邊而陰使臺諫

上章留已樊城既陷復申請之事下公卿雜議監察御史陳堅等以為師臣出顧襄未必能及淮顧淮未必能及襄不若居中以運天下帝從之時羣臣多言高達可援襄陽者御史李旺入言於似道似道曰吾用達如呂氏何旺出歎曰呂氏安則趙氏危矣文煥聞達且至亦不樂以語其客客曰易耳今朝廷以襄急故遣達吾以捷聞則達必不成遣矣文煥大以為然會獲元哨騎數人文煥即繆以大捷奏然不知朝

宋元通鑑卷一百二十四

何成德

中實無援襄事也未幾阿里海牙帥總管唆都等移破樊攻具以向襄陽一礮中其譙樓聲如震雷城中洶洶諸將多踰城降者初劉整嘗躍馬獨前與文煥語為文煥伏弩所中幸甲堅不入至是欲立碎其城執文煥以快意阿里海牙不可乃身至城下宣元主所降招諭文煥詔曰爾等拒守孤城于今五年宣力于主固其宜也然勢窮援絕如數萬生靈何若能納款悉赦勿治且加遷擢文煥狐疑未決因折矢與之誓文煥乃出降先納筓鑰次獻城邑且陳攻郢之策請已為先鋒阿木入襄陽阿里海涯遂偕文煥朝燕

元主以文煥降命如詔遷擢事聞似道言于帝曰臣始屢請行邊陛下不之許向使早聽臣出當不至此文煥兄文福文德文福知廬州文德子師夔知靜江府俱上表待罪似道此之詔皆不問三月劉整故吏羅鑑自北復還上整書藁一帙于四川制司有取江南二策其一言先取全蜀蜀平江南可定其二言清口桃源河淮要衝宜先城其地屯山東軍以圖進取帝亟詔淮東制司往清口擇利地築城備之壬午詔建機速房于中書時襄城既失賈似道復上書言事勢如此非臣上下驅馳聯絡氣勢將有大可慮

宋元通鑑卷五十四

三

者帝曰師相豈可一日離左右似道乃建機速房以華樞密院漏泄兵事稽遲邊報之弊四川宣撫司叅議官張夢發陳危急三策曰錄漢江口岸曰城荆門軍當陽界之玉泉山曰峽州宜都而下聯署堡砦以保聚流民且守且耕并圖上城築形勢似道不以上聞下荆湖制司審度可否事竟不行元主立其子真金爲太子真金元主之長子初封燕王守中書令兼判樞密院事劉秉忠薦中山王恂以輔之元主以爲太子贊善敕兩府大臣凡有啓稟必令恂與聞恂言太子付托至重當延名德與之居處况兼領中

書樞密之政詔條所當徧覽庶務亦當屢省又以遼金之事近接耳目者區別善惡上之真金問恂以心之所守恂曰嘗聞許衡言人心猶印板然板本不差雖摹千萬本皆不差本既差矣摹之于紙無不差者真金曰善至是立爲皇太子元以申屠致遠爲太常太祝兼奉禮郎元主遣太常卿字羅問毛血之薦致遠對曰毛以告純血以告新禮也夏四月癸巳詔曰廼者邊吏弗戒致有襄難將士頻歲暴露邊民蕩析離居盡傷朕心爾爾間臣專征方面宜身率諸將宣揚國威以賞戮用命不用命爾守臣有土有民宜

宋元通鑑卷五十四

四

中倣國人保固封守爾諸將尚迪果毅一乃心力各以其兵敵王所懷今朕多誥爾其悉聽明訓毋懈毋悞習于故常功多有厚賞爾不克用勸罰固不得私也又如中外小大臣僚有材識超卓明控御之宜懷攻守之畧者密具以聞一如端拱二年制書朕當虛心以聽李庭芝乞解罷詔赴闕以汪立信爲京湖制置使趙潛爲沿江制置使立信兼知江陵潛兼建康留守潛多獻寶玉于賈似道故有是命元阿里海牙請呂文煥官職授文煥昭勇大將軍襄漢大都督賜其將校有差元將相大臣皆以南伐爲請

召姚樞許衡徒單公履等問計公履等曰乘破竹之勢席卷三吳此其時矣元主然之五月庚辰詔諸人上書請以丞相似道督兵者不允餘什機速房元賞襄陽有功萬戶奧魯赤等銀鈔衣服有差六月己丑給事中陳宜中言襄樊之失皆由范文虎怯懦逃遁乞斬之賈似道不許止降一官監察御史陳文龍言文虎失襄陽猶使知安慶府是當罰而賞也趙潛乳臭小子何足以當大閫之寄請皆罷之似道大怒黜文龍知撫州旋又使臺官李可劾退之汪立信言臣奉命分閫延見吏民皆痛哭流涕言襄樊之禍皆由范文虎及俞興父子文虎以三衙長聞難怯戰僅從薄罰有子天順守節不屈猶可少贖其愆興奴隸庸材務復私怨激叛劉整流毒至今其子大忠挾多資爲父行賄且自希進今雖寸斬未足以快天下之忿乞重典則人心興起事功可圖詔除大忠名循州拘管時國勢危甚陳仲微上封事其畧曰誤襄者老將也失襄之罪不專在於庸闇疲將孩兵也君相當分受其責以謝先皇帝在天之靈天子若曰罪在朕躬大臣宜言咎在臣等宣布十年養安之往繆深懲六年玩寇之昨非救過未形固已無及追悔

既往尚愈於迷或謂覆護之意多尅責之辭少或謂陛下乏哭師之誓師相飾分過之言甚非所以慰恤死義祈天悔禍之道也往往代言乏知體之士魏鉉鮮有識之人吮脂茹柔積習成痼君道相業兩有所虧方今何時而在廷無謀國之臣在邊無折衝之帥監之先朝宣和未亂之前靖康既敗之後凡前日之日近晁旒朱輪華轂俛首吐心奴顏婢膝即今日奉賊稱臣之人也強力敏事捷疾快意即今日畔君賣國之人也爲國者亦何便於若人哉迷國者進憎愛之欺以逢其君誤國者護耻敗之局而莫敢議當國者昧安危之機而莫之悔臣嘗思之今之所少不止於兵閫外之事將軍制之而一級半階率從中出斗粟尺布退有後憂平素無權緩急有責或請建督或請行邊或請築城創聞駭聽因諸閫有辭於緩急之時故廟堂不得不掩惡於敗關之後有謀莫展有敗無誅上下包羞噤無敢議是以下至器械甲馬衰窳厖涼不足以肅軍容壁壘柵折樊駕漏不足以當衝突之騎號爲帥閫名存實亡也城而無兵以城與敵兵不知戰以將與敵閫不知兵以國與敵光景蹙近目睫矣惟君相幡然改悟天下事尚可爲也轉敗

為成在君相一念間耳似道大怒乃出仲徽江東提
點刑獄 元以劉整阿里海牙不相能分軍為二各
統之 元使日本趙良弼至太宰府而還其以日本
君臣爵號州郡名數風俗土宜來上 閏月丙辰朝
散郎師顯行進注皇朝文鑑 元敕翰林院纂脩國
史采錄累朝事實以備編集 秋七月元阿合馬等
屢毀漢法國學諸生廩食或不繼許衡請還懷孟元
主以問翰林學士王磐磐對曰衡教人有法諸生行
可從政此國之大體宜勿聽其去元主又命諸老臣
議其去留實默為衡懇請乃聽衡還劉秉忠姚樞及

宋元通鑑卷五十四

七

宋

磐默等復請以贊善王恂攝學士衡弟子耶律有尚
蘇郁白棟為助教庶幾衡之規矩不致廢墜從之
元人城馬駿山知合州張珏擊走之先是蒙古兵入
蜀珏副王堅協力戰守堅還以珏代之自開慶受兵
民凋弊甚珏外以兵護耕內教民墾田積粟未再春
公私兼足劉整既叛獻計欲自青居進築馬駿虎頂
二山扼三江口以圖合州遣統軍合刺帥兵築之珏
聞合刺至乃張疑兵于嘉渠口潛師渡平陽灘火其
資糧器械越砦七十里焚船場由是馬駿城築卒不
就 八月庚戌朔元所釋諸路罪囚皆至大都者凡

二十二人並赦之 九月辛巳以章鑑僉書樞密院
事陳宜中同僉書院事 冬十月元享于太廟 十
一月壬午子昂授左衛上將軍封嘉國公 以李庭
芝夏貴為淮東西制置使陳奕為沿江制置使庭芝
兼知揚州貴兼知廬州奕兼知黃州庭芝請分所部
兩淮為二司故以淮西付貴奕以兄事實似道王工
陳振民以求進自小官歷顯要遂掌禁兵 起文天
祥為湖南提刑天祥因見故相江萬里萬里素奇天
祥志節語及國事慨然曰吾老矣觀天時人事當有
變吾聞人多矣世道之責其在君乎君其勉之 元

宋元通鑑卷五十四

八

宋

大司農司言中書移文以畿內秋禾始收請禁農民
履耕恐妨芻牧元主以農事係民生命詔勿禁 是
歲元諸路大水蝗賑米九五十四萬五千五百九十
石

元至元
十一年

春正月賈似道母胡氏死似道歸越治

喪詔以天子鹵簿葬之起墳擬山陵百官奉襄事立
大雨中終日無敢易位者既葬詔似道起復似道遂
還朝 元以伯顏為中書左丞相伯顏事宗王旭烈
于西域嘗入奏事元主見之曰此非諸侯王臣遂留
與議國政至是自右丞進左相 元阿里海牙言謂

襄自古用武之地漢水上流已爲我有順流長驅宋必可平阿朮又言臣畧地江淮備見宋兵之弱今不取之時不能再元主趣召史天澤同議天澤對曰此國大事可命重臣一人如安童伯顏都督諸軍則四海混同可計日而待矣臣老矣如副將者猶足爲之元主曰伯顏可以任吾此事矣阿里海牙因言我師南征必分爲三舊軍不足非益兵十萬不可遂詔中書省僉軍十萬人二月甲寅太陰犯井宿已酉趙順孫罷爲福建安撫使三月元以伯顏史天澤並爲左丞相阿朮爲平章政事阿里海牙爲右丞

宋元通鑑卷百十四

九

夏四月乙卯子昂授左衛上將軍進封末國公五月壬寅張珪表請城馬駿虎頭山或先築其一以據險要六月元主諭諸將率兵南伐且數賈似道負約執郝經之罪詔曰爰自太祖皇帝以來與宋使介交通憲宗之世朕以藩職奉命南伐彼賈似道復遣宋京詣我請罷兵息民朕即位之後追憶是言命郝經等奉書往聘蓋爲生靈計也而乃執之以致師出連年死傷相藉係累相屬皆彼宋自禍其民也襄陽既降之後箕宋悔禍或起令圖而乃執迷罔有悛心所以問罪之師有不能已者今遣汝等水陸並進布

告遐邇使咸知之無辜之民初無預焉將士毋得妄加殺掠有去逆效順別立奇功者驗等第遷賞其或固拒不從及逆敵者俘戮何疑秋七月癸未帝崩子嘉國公焜即位太后臨朝帝自爲太子時以好內聞既立耽于酒色故事嬪妾進御晨詣闕門謝恩主者書其月日及帝之初一日謝恩者三十餘人崩年五十三賈似道入宮議所立衆以建國是長當立似道主嫡乃立嘉國公焜時年四歲矣謝太后臨朝稱詔號帝廟曰度宗史臣曰宋至理宗疆宇日蹙非有雄才睿畧之主豈能振起其墜緒哉度宗繼統雖無大失德而拱手權姦竊竊甚亡國不干其身幸矣甲申封兄昴爲吉王弟昺爲信王是母楊淑妃

宋元通鑑卷百十五

十

昺母俞脩容詔賈似道依文彥博故事獨班起居丙戌尊皇太后曰太皇太后皇后曰皇太后又詔以生日爲天瑞節罷京湖制置使汪立信立信移書賈似道謂今天下之勢十去八九誠上下交脩以迓續天命之幾重惜分陰以趨事赴功之日也而迺耽歌深宮嘯傲湖山玩歲愒月緩急倒施卿士師師非度百姓鬱怨欲上以求當天心俯遂民物拱揖指揮而折衝萬里者不亦難乎爲今之計者其策有三夫

內都何事乎多兵宜盡出之江干以實外禦籌兵帳見兵可七十餘萬人老弱柔脆十分汰二爲選兵五十餘萬人而沿江之守則不過七千里若距百里而屯屯有守將十屯爲府府有總督其尤要害處輒三倍其兵無事則泛舟長淮往來游徼有事則東西齊奮戰守並用刁斗相聞餽餉不絕互相應援以爲聯絡之固選宗室大臣忠良有幹用者立爲統制分東西二府以泄任得其人率然之勢此上策也久拘聘使無益於我徒使敵得以爲辭請禮而歸之許輸歲幣以緩師期不三二年邊遽稍休藩垣稍固生兵日

宋元通鑑卷一百一十四

十一

號

增可戰可守此中策也二策果不得行則天敗我也斷壁與視之禮請備以俟似道得書大怒抵之地詎曰暗賊狂言敢爾蓋立信一目微眇云尋中以危法廢斥之辛卯以朱祺孫爲京湖四川宣撫使兼知江陵府是月元伯顏南攻陞辭元主諭之曰古之善取江南者唯曹彬一人汝不嗜殺是吾曹彬也八月癸丑大霖雨天目山崩水涌安吉臨安餘杭民溺死者無算元以博羅權爲中書右丞元太保劉秉忠卒秉忠字仲晦其先瑞州人初名侃因從釋氏又名子聰自幼好學於書無所不讀至老不衰雖

宋元通鑑卷一百一十四

十二

位極人臣而齋居蔬食終日澹然不異平昔是年扈從至上都其地有南屏山築精舍居之尋無疾端坐而逝元主驚悼謂左右曰秉忠事朕三十年小心慎密不避艱險言無隱情其陰陽術數之精占事知來若合符契惟朕知之他人不得與聞也贈太傅趙國公諡文貞元行中書省言江漢未下之州請令呂文煥率其麾下臨城諭之令彼知我善遇降將亦策之善者也元主從之九月元呂文煥以伯顏趨鄂州劉整以博羅權趨淮西伯顏分大軍爲兩道自與阿朮由襄陽入漢濟江以呂文煥將舟師爲前鋒博羅權由東道取揚州監淮東兵以劉整將騎兵先行伯顏一軍自分三道唆都將一軍由襄陽哨司空山翟招討將一軍由老雅山徇荆南而自與阿朮師阿刺罕張弘範諸軍水陸趨鄂旌旗延袤前後數百里冬十月丁未饒州布衣董聲應進諸史纂約兵鑑刑鑑詔充史館編校文字乙卯令州縣行義田義役丁巳元伯顏至溧水前部將武顯言水溢宋可渡伯顏曰此小水不敢渡敢渡大江邪使一騎前導麾諸軍畢濟遂薄郢州軍于城西時張世傑將兵屯郢郢在漢北以石爲城新郢在漢南橫鐵鉅鎖戰艦